

В. Л. Шибанов (*Ижевск*)

**Куатьтон ареслы – куатьтон валатон:**  
Малпаськыны но бырыны өтён мылкыдын

Берло дыре, пöртэм статьяос гожъямея но радиоверанъёс радъямея, мыным трос гинэ выль валатонъёс малпалляно но уже кутылоно луылйз. Отын бадзымгес инты басьто культурология но философия удысысь кыльёс. Юнме шорысь өвёл со, угось татын али асьмелэн тужгес но трос чакламентэ интыосмы. Но сыће нимкыльёсын артэ шуак мукетьёсыз но кылдыло, соосты палэнэти ортчыны озы ик öй быгаты.

1. *Абызлык* – магия. 2. *Азьялон* – анонс. 3. *Асулонсюрес* – автобиография. 4. *Визьадзон* – умозрение. 5. *Визьбурлык* – интеллект. 6. *Возьытбур* – совесть. 7. *Воршудоскон* – тотемизм. 8. *Вошкон* – движение (филос.): (“Ваньмыз кошке – ваньмыз вошке”). 9. *Воштытэт* – субститут. 10. *Вужинкыл* – архетип. 11. *Гожъясьчи* – писатель. 12. *Дыкужым* – энергия. 13. *Дунпульдон* – инфляция (лат. вздутие). 14. *Жöмыт визьсазь* – подсознательное. 15. *Зэмзэлык* – действительность. 16. *Ивор-тодэт* – информация. 17. *Изгырк* – пещера (пумиське: *мугырк*). 18. *Инмароскон* – религия. 19. *Инсьöрбугор* – Галактика. 20. *Инсьöрчи* – астронавт. 21. *Интыдыр* – хронотоп. 22. *Инъетрад* – иерархия. 23. *Йырвизьбур* – память. 24. *Йырчукинлык* – абсурд. 25. *Калык кылбурет* – фольклор (пумиське: *калык кылос*). 26. *Коньдонкузьым* – премия. 27. *Кортъер* – робот. 28. *Кыктос* – двойник (лит.). 29. *Кылбурвамыш* – стопа (стих. ). 30. *Кылбуръет* – поэтика. 31. *Кылдонрад* – генезис. 32. *Лулсэркыль* – невроз. 33. *Лултыл* – вдохновение. 34. *Лулчылкытан* – катарсис. 35. *Луонолык* – вероятность. 36. *Лушгерзет* – ассоциация. 37. *Мактамъяськон* – ирония. 38. *Малпангерд* – суждение. 39. *Мерт* – цель. 40. *Мылкыдкужым* – воля. 41. *Нимкизили* – имидж (*нимдан* – слава, репутация). 42. *Огкядьпумит* – симметрия. 43. *Омырвот* – фантазия. 44. *Пеймыт визьсазь* – бессознательное. 45. *Песяпесянай* – прабабушка. 46. *Песяпесятай* – прадед. 47. *Пöйкыл* – анекдот. 48. *Пумитмытйсь* – оппонент. 49. Пу-

*митсуред* – отражение. 50. *Пыраклык* – вечность. 51. *Сильвор* – сенсация (чошатэ: *сильзор*, *сильтёл*). 52. *Синмальдунне* – утопия. 53. *Суредпужы* – комикс. 54. *Суретвыжы* – гибрид. 55. *Сьодмальдунне* – антиутопия. 56. *Сюжетгерд* – кульминация (лит). 57. *Уйбыртытон* – гипноз. 58. *Чичпотон* – похоть (чошатэ: *пальпотон*, *сиемпотон*). 59. *Шальтракорт* – драндулет. 60. *Шормалпан* – идея.

Та нимкыльёс пöлысь куиньмосэз гожьяськон но вераськон кыламы пычасал ке, нош мукет куиньмосэз мукет валатонъёсты радъяны юрттысал ке, та ужын солэсь но бадзымгес емышсэ возьманы кулэ на меда?